

Indhold

Narsarsuaq	2
Ataatsimut aalajangersakkat	5
321-A1 Enfamiliehuse	8
321-A2 Etagehuse	9
321-A3 Enfamilie- og dobbelthuse	10
321-B1 Havne- og tankområde	11
321-B2 Værkstedsområde	12
321-C1 Hotel og anden service	13
321-D1 Vandsøområdet	14
321-E1 Narsarsuaq Lufthavn	15
321-K3 Hytteområde 1	16
321-K4 Hytteområde 2	18

Narsarsuaq

Narsarsuaq inissisimavoq Tunulliarfiup qinngorpassisuata ilaani Narsamiit 40 km-it missaannik ungasitsigisumi.

Peqqaataanik Narsarsuaq Amerikamiut mittarfeqarfigaat, "Bluie West 1"-imik sorsunnersuarmi kingullermi sananeqarsimasooq. 1958-mi Amerikamiut mittarfeqarfik qimappaat, tamatuma kingorna mittarfeqarfik illorsuillu ilaat danskit naalagaaffiannut tunniunneqarput kingusinnerusukkullu Mittarfeqarfinnut tunniunneqarlutik. 1978-imiit ulloq manna tikillugu Narsarsuaq annertuumik pitsanngorsarneqarpoq Atlantikoq qulaallugu timmisartunut mittarfinngortinneqarluni, Kujataanullu angallanermut qitiusunngortinneqarluni. Nunaqarfik inuiqatigiinnguatut ingerlanneqarpoq niuertarfilik, atuarfilik, meeqqerivilik, vandrerrhemmilik, politiiik allakkerivilillu.

Inuit illoqarnerlu

Inuit amerlassusiat ukiuni kingullerni 10-ni allanngujitsungajaasimavoq 140-150-illu akornanniisimalluni. Taamaattorli 1.1.2016-mi 116-nut ikileriarput. Inuilli amerlassusiat ukiup ingerlanerani allanngorartorujussuusarpoq, aasaanerani takornariaqartillugu innuttaasut amerlanerusaramik. Innuttaasut ukiumikkut agguaqatigiinnerat nunaqarfinnut allanut naleqqiullugu allaassuseqarpoq 65-it sinnerlugit ukiullit ikittunnguummata.

Narsarsuarmi illut amerlanersaat Namminersorlutik Oqartussanit pigineqarput imaluunniit Danmarks Meteorologisk Institutimit (Danmarkip silasiorfeqarfia). Illut ikittuinnaat Kommune Kujallip namminersortulluunniit pigisaraat. Maanna inissiatigineqartut agguataarsimapput inissiaarsuarnut tallimanut katillugit 98-nik inissiatallit. Taakku sanitigut ilaqutariinnut ataasiakkaanut illut quliupput affarleriaallu pingasuullutik. Illu ataaseq sanallugu aallartinneqarsimavoq, inerneqarsimananili.

Ullumikkut Narsarsuarmi suliat eqqarsaatigalugit – Atlantikoq qulaallugu mittarfeqarfilik tassungalu atasunik suliffeqarfilik – inissianik pisariaqartitsineq naammattutut nalilerneqarpoq. Suliassanilli allanik takkutoqassagaluarpat inissianik pisariaqartitsisoqalissaaq. Nunaminertat inissiasualiorfissat ilaqutariinnullu illuliorfissat toqqarneqarsimapput, taakkulu inissianik 80-100-nik amerlassusilinnik pisariaqartitsinermut naammapput.

Inuussutissarsiorneq

Narsarsuarmi inuussutissarsiorneq annerusumik mittarfiup ingerlanneqarneranik tassungalu atasunik kiffartuussivinnik tunngaveqarpoq, ilanngullugu akunnittarfik. Siunissami mittarfiup qanoq pineqarnissaa tunngavigalugu Narsarsuup siunissaa soorunami aalajangerneqassaaq. Kommunip Narsarsuarmi innuttaasut suleqatigalugit nutaanik nunap ilaani inuussutissarsiuinik pilersitsinissamik kajumissaarinerit sulissutigaa. Tassunga tunngatillugu kissaatigineqarpoq suleqatigiissaliortoqassasoq, taakkulu misissuvaat tamaani siunissami inuussutissarsiornikkut periarfissat suusinnaanersut.

Umiarsualiveqarneq mittarfeqarnerlu aqqutigalugit Narsarsuaq ullutsinni angallannikkut attaveqaatigut inissisimanera pitsaalluinnarpoq. Inuussutissarsiuinik nutaat aallartiguarsinnaaqqullugit sanaartorfigissaasoqarnikuvoq.

Narsarsuarmi inuussutissarsiuinik siuarsaanissamat periarfissarpassuaqarpoq, aallaqqaataasumik takornariaqarnermut attuumassutilinnik. Akunnittarfiup saniatigut vandrerrhemmeqarpoq, takornariartitsisartut annerusut marluupput, cafe kiisalu umiarsualivik angalaarutininik angallaterpassualik. Narsarsuup eqqaani tamarmi takornariartitsisoqartarpoq: iigartartup eqqaani, Qassiarsummi, Igalikumi kiisalu kommunimi illoqarfinni annerusuni. Narsarsuup qangaanerusooq Amerikamiunit sakkutooqarfiusimanini ilisarnaatigaa. Napparsivitoqqap qoorua angalaatsiarfigissallugu nuannarineqaaq, Bluie West One peqatigalugu Amerikamiut oqaluttuarisaanerani takutiisuugami.

Ukiut kingullit ingerlanerini Narsarsuup ineriartornissamat periarfissai nutaat taaneqartarsimapput. Aammattaaq taaneqarsimavoq erngup nukingani piukkunnaat Motzfeldtip tasianeersoq, taannalu suliffeqarfiit innaallagissamik pisariaqartitsilluartut iluaqutiginnaavaat. Aammattaaq aatsitassarsiornermi pilersaarutit annertuut Kujataani aallartisarneqartut suliasaqarfinnik atorrorissaarutinillu Narsarsuarmut attuumassutilinnik pilersitsinnaapput. Aammattaaq Narsarsuup eqqaa takornariaqarnerup saniatigut naatitanik naatitsinissamat nunalerinermillu tunisassianik assigiinngitsunik soorlu igutsaap tungusunniisuutaanik tunisassiorinissamat periarfissagissarpoq.



Pisortat suliffeqarfii sunngiffillu

Atuarfitoqqami meeqqanut 25-nik missaanik amerlatigisunut inissalimmik meeqqeriveqarpoq. Meeqqeriviup pitsaanerusumik illutaqalernissaa nutaamilu sanaartornissaq kissaatigineqarpoq.

Nutaangajammik 2001-imeersumik nunaqarfik atuarfeqarpoq, atuartullu 1-9. klassineersut atuartinneqarsinnaapput. Atuartunut 20-t missaaniittunut inissaqarpoq, 2016-17-imilu atuartut qulit allatsissimapput.

Utoqqarnut inissiat marluk sananeqarsimapput, 2016-imi inigineqanngitsut. Taakku saniatigut utoqqarnut inissianik pisariaqartitsisoqarunangilaq.

Kiisalu "Klubben" nunaqarfimmi katerisimaartarfiit pingaaruteqarnersaraat. Mittarfeqarfimmi sulisunit ingerlanneqarpoq, kisiannili nunaqarfimmiunut tamanut sammititanik aaqqissuisoqartaqaaq. Timersortarfeqqamik arsaattarfimmillu tulluurtumik sanasoqarnissaa kissaatigineqarpoq. 2016-imi arsaattartut peqatigiiffiat pilersinneqarpoq, hotelillu saavani immikkoortitami arsaattarput.

[Klik Her For At Se Tekniske Og Service Huse](#)

Avatangiisit pilersuinerlu

Narsarsuaq pilersuinerlut atortorissaartuuvoq, illut tamarmik imermut eqqakkamut kuuffeqarput, ukioq kaajallallugu imeqarput innaallagissamullu aquteqarlutik. Imeq eqqagaq kangerlummut toqqaannartumik kuutsinneqartarpoq, avatangiisinut akornutaanera paasineqarsimangilaq.

Eqqaaviit eqqagassallu allat katersorneqartarput sapaatit akunnera ataasiartumik eqqaavissuarmullu ilioqqarneqartarlutik. Tassani eqqakkat ikuallanneqartarput matoorunneqartarlutillu. Ikuallaaveqanngilaq.

Pilersuinermik suliffeqarfii tamarmik Namminersorlutik Oqartussanit pigineqarput Mittarfeqarfimmillu ingerlanneqarlutik. Imermik, kiammik innaallagissamillu pilersuiviit naammagintumik pilersuisinnaapput, naatsorsuutigineqanngilarlu piffissap pilersaaruisiorfiusup ingerlanerani annertusarneqarnissaat.

Eriagisassat nalillit

Qanganitsanut Thulekulturrimeersunik, qallunaatsiaaneersunik kiisalu 1600-1700-kkunneersunik eqqissimatitaasunik eqqaassutissaqarpoq.

Aammattaq nammineq piumassuseq aqputigalugu katersugaasivik B-13-mi ammarneqarsimavoq. Katersugaasivimmi Amerikamiut sakkutooqarfiata 1941-miit oqaluttuarisaanera kiisalu oqaluttuarisaaneq ulloq manna tikillugu takuneqarsinnaapput. Aammattaq Kujataani qallunaatsiaat nalaaneersut savaateqarnermillu inuussutissarsiorner saqqummersitaapput. B-13 Amerikamiut nalaaneersut barakkii qisummik sanaat sinneruttut ilagaat, taamaattumillu kommunimut pilersaarummi eqqissimatitassatut toqqarneqarsimavoq.

Narsarsuup ineriartornissaanut periusissaq

Narsarsuup siunissaa Atlantikoq qulaallugu timmisartunut mittarfiup ataannarnissaanut attuumassutilerujussuuvoq. Mittarfik allatut ilusilerlugu qulakkeerneqassappat nunaqarfik ineriartornissamut periarfissagissaartorujussuuvoq.

Takornariaqarnermik inuussutissarsiornerup ineriartortuaannarnissaa aamma mittarfeqartuaannarnissaanut attuumassutilerujussuuvoq. Kujataanut isaaffittut Narsarsuaq takornariaqassaqqissunik toqqaannartumik takornarissanut neqerooruteqarnissamut periarfissaqarpoq. Akunnittarfik vandrerhjemmilu pitsaasoq pigineqareerput; kisiannili illuaqqani tupernilu unnuisarnissat kommunimut pilersaarutip matuma iluani annertusarneqarsinnaapput.

Siunissaq ungasinnerusoq isigalugu Motzfeldtip Tasianit erngup nukinganik pissamaat aamma tunngaviusinnaavoq suliffeqarfinnut nukimmik annertuumik pisariaqartitsisunut, soorlu Narsarsuarmi qarasaasiakkut attaveqaatinut il.il. Aammattaq Narsarsuaq mittarfeqarnermigut umiarsualiveqarnermigullu Kujataani aatsitassarsiuilerfissanut aammalu avataani uuliasiorutunut aallaaviulluarsinnaavoq.

Kiisalu Narsarsuaq manissunik sanaartorfissaqqissunillu nunaminertaqarluppoq,

taamaalilluni siunissami inissiassanut, kiffartuussivinnut aamma suliffeqarfinnut
inuussutissarsiteqarfiusunut naammattunik inissaqarlualuni.

Ataatsimut aalajangersakkat

Kommunimut pilersaarusiap immikkoortuani matumani "ataatsimut aalajangersakkat" qassiit suliarineqarsimapput, taakkulu Kommune Kujallermut tamarmut atuuttuupput taamaammallu "immikkoortortanut ataasiakkaanut aalajangersakkani" saqqummiuteqqinneqaratik. Ataatsimut aalajangersakkat kommunalbestyrelsip pilersaaruserneranut nunaminertanillu atuinermik aqutsinermut pituttuisuupput.

1. Aqquserngit

- A. Illoqarfinni asimilu aqquserngit pioreersut sananeqarumaartussallu eqqaanni aqquserngup qeqqaniit 7,5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- B. Illoqarfinni aqquserngit minnerusut nunaqarfinnilu aqquserngit eqqaanni aqquserngup qeqqaniit 5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- C. Kommunimut pilersaarummi aalajangersakkani sukumiinerusuni a. aamma b.-mi taaneqartuniit ungasinnerusumi sanaartornermut killiliussanik tamatigut aalajangersaasoqarsinnaavoq.

2. Biilit unittarfii

Nutaanik inissialiornermi, sullissiviliornermi (soorlu pisortat sullissiveqarfinni allanillu) aammalu inuussutissarsiorfiliornermi naammattunik biilinut unittarfiliortoqartassaaq. Kommunimut pilersaarummi sukumiisumik aalajangersakkatigut allanik aalajangersaasoqarsimatinnagu (illoqarfiup ilaanut pilersaarutini allanilu) makku minnerpaamik piumasaqaataasarpud.

- A. Ilaqutariinnut illuliani arlalinni inissianut marlunnut unittarfik ataaseq, aammalu
- B. Sullissiveqarfinni inuussutissarsiorfinnilu qulerilinnut 50 m²-mut unittarfik ataaseq
- C. Allanut immikkut ittumik atorneqartussanut pisariaqartitsineq naliliivigineqartassaaq

Biilit unittarfii nunaminertamik atugassanngortitsinermi allassimasassappud.

3. Nunaminertat atorneqanngitsut

Sumiiffiit ilaannut aalajangersakkani nunaminertat atorneqanngitsutut aalajangerneqareersimasut saniatigut nunaminertat siunertanut allanut atugassanngortinneqarsimanngitsut nunaminertat atorneqanngitsutut aqunneqassappud. Nunaminertat atorneqanngitsut atortulersuiffigineqassanngillat, toqqorsiviunatik torersuutinneqassallutillu.


4. Pinnguartarfiit

Arfinilinnit amerlanerusunik inissialtalinnik inissialortoqartillugu meeqqanut pinnguartarfiilortoqartassaaq.


5. Innarluutilinnit tikinneqarsinnaaneri

Aqquserngit, pisuinnaat aqputaat, illutat atortoqarfiillu allat kikkunnilluunniit orninneqarsinnaasut sananeqartillugit innarluutilinnit tikinneqarsinnaanissaat anguniarneqartassaaq.


6. Illut eqqissisitat

Illut atortoqarfiillu eqqissisitat (suussusii 1) Nunatta Katersugaasivia Toqqorsivialu akuersisimatinnagu piiarneqassanngillat, allanngortiterneqassanatik allatulluunniit allanngortinneqassanatik. Illut eqqissisitat allassimapput [uani](#).  [Fredede og bevaringsvaerdige huse.pdf](#) (93.4 KB)

7. Illut eqqissittarisassat

Illut atortoqarfiillu eqqissittarisassat (suussusii 2) kommunalbestyrelsi akuersisimatinnagu piiarneqassanngillat, allanngortiterneqassanatik silatimikkulluunniit allanngortinneqassanatik. Nunatta Katersugaasivia Toqqorsivialu oqaaseqaateqartinneqartassapput. Ullut taakku eqqissisinneqarsinnaanerit siunertaralugu kommunalbestyrelsi naliliisassaaq. Illut eqqissittarisassat allassimapput [uani](#).  [Fredede og bevaringsvaerdige huse.pdf](#) (93.4 KB)

8. Illut eriagissassat

Illut atortoqarfiillu eriagissassat (suussusii 3) sapinngisamik allanngutsaaliorneqassapput allannguutissatullu qinnuteqaatigineqartunut kommunalbestyrelsi piumasaqaateqarsinnaavoq illup eriagisariaqassutsi pigiinnarniassammagu. Illut eriagissassat allassimapput [uani](#).  [Fredede og bevaringsvaerdige huse.pdf](#) (93.4 KB)

9. Illut peerneqariaannaat

Illu ima ajortissimatigiguni allanut navianartorsiortitsisinnaalluni, imalunniit qimanneqarsimaguni aammalu nunaminertamik atugassanngortitsinermit siunertaasutut atorneqarunnaarsimaguni inatsisinut naapertuuttunngortinneqassaaq (iluarsarneqarluni/atorneqalerluni imaluunniit ingutserneqarluni).

10. Illoqarfinni nunaqarfinnilu pilersuiviit

Tamatumunnga periarfissaqarnera oqaatigineqarsimappat ajornanngippallu nutaamik sanaartorfiit innaallagissamut, imermut kuuffinnullu kikkunnit tamanit atugassianut aqquuserneqarnissaat qularnaarneqassaaq.

Kuuffinnut kikkunnut tamanut atugassianut attavilernissaq ajornarpat imermik errortuutikumik anartarfinneersunillu eqterivissamik tankiliortoqarnissaa imaluunniit avatangiisit pillugit aalajangersakkat qaqugukkulluunniit atuuttut aammalu errortuutikup anartarfiillu imarneqartarneri pillugit malittarisassat naapertorlugit erngup igitassap suliarineqarnissaannik Kommunalbestyrelsi piumasaqaateqarsinnaavoq.

Imeq nunap qaatigoortoq, aamma qalianeersoq, eqqakkanut kuuffinnut tamanit atugassianut ingerlatinneqartassanngilaq, kisiannili eqqaamiorisat illuinut, aqqusinernut, pisuinnaat aqquataannut aammalu illuliorfiusimanningsunut akornutaasussaajunnaarlugu ingerlaartinneqartassalluni.

Erngup, innaallagissap kuuffiillu aqquataat, tv-kabelit assigisaallu ajornartinnagu nunap iluatigoortinneqartassapput.

Pissutsit immikkut ittut pissutigalugit pisariaqalinngippat pilersuinermit aqquutit qarsullugit sanaartortoqassanngilaq qajanaaqquersuisoqassaniluunniit.

11. Asimi pilersuinermit atortorissaarutit

Eqqagassat imerpalasuunngitsut asimi sanaartornermeersut piginnittumit ikuallanneqanngikkunik aallarunneqassapput. Ikuallanneqarnerat illulianut pinngortitamulluunniit eqqaaniittumut navianartorsiortitsissanngilaq imaluunniit allanut akornutaassanani.

Arnartarfinnut anartarfiit spandii/puusiat, imaanut kuineqartussat, assaanneqartussat, asiutinneqartussat allatulluunniit allanut akornutaanngitsumik avatangiisinullu ajoqutaanngitsumik iginneqarsinnaasut atorneqassapput.

Illut pioreersut kuiasakkanik anartarfillit eqqarsaatigalugit piginnittup imeq atornikoq allanut avatangiisinullu ajoqutaanngitsumik igittassavaa.

Innaallagissiutunik atuineq sapinngisamik allanut ajoqutaannginnerpaamik pisassaaq. Asimi illuni atugassanik nukissiorneq seqinermit nukiusutit pinngortitamiillu nukissiutit allat atorlugit pisassasoq kaammattuutigineqarpoq.

12. Containerit

Containerit ineqarfiusuni (A) aammalu qitiusoqarfinni (C) ataavartumik inissisimatinneqarnissaat akuerineqanngilaq. Containerit qalliutaannut, qalipaataannut atorneqartarnerannut kiisalu inissinneqarfigisaminni tulluarsarneqarnissaannut piumasaqaateqarsimatillugu immikkut ittunik akuersissuteqartoqarsinnaavoq.

13. Angallatinik inissiineq

Ukiunerani angallatinik inissiinermut akuersissuteqartoqarsinnaavoq angallammik piginnittup illutaata eqqaanut (piginneqatigiiffiuppat attartortittagaappalliuunniit piginneqatigiit / piginnittut akuersineratigut), suliffeqarfiup angallataatillup attuumassuteqarfigisaata eqqaanut imaluunniit kommunip angallatinik inissiivissatut immikkoortitaanut.

321-A1 Enfamiliehuse



Killiffik

Akuerisaq

Immikkoortortaq

Nunaanaaq

Sumiiffik - illoqarfik / nunaqarfik

Narsarsuaq

Siunertaq

Ineqarnermut tunngasut

Atorneqarnissaa

Inissiaqarfik - Ammasut pukkitsullu

Pissutsit atuuttut

Nunaqarfiup ilaa tamanna tamangajammi ataasiakkaanik illuliorfigineqarsimavoq.

Inissaq sinneruttoq

Nunaqarfiup ilaa tamanna 2,0 ha missaannik angissuseqarpoq. Inissianut 10-12-inut inissaqarpoq.

Sanaartorfik

Tamaani illut ataasiakkaat affarleriilluunniit inissinneqarsinnaapput.

Nunaqarfiup ilaa tamanna illunut ataasiakkaanut 1½-inik quleriilinnut naatsorsuusaaneruvoq. Illut qaliaat 20° sinnerlugit uinganeqassapput.

Nunaminertat sanaartorfiunngitsut

Sanaartukkat nutaat ineqarfimmut ataatsimik ataatsimik biilnut uninngasarfeqarnissaat pisussaaffiliunneqartassaaq. Kommunalbestyrelsi akuersitinnagu tamaani illoqqaaviliortoqassanngilaq. Nalinginnaasumik biilnut uninngavissiat imaluunniit umiatsianik inissiiviassiat avataatigut biilnik, umiatsianik assigisaannillu inissiisoqartassanngilaq.

Attavilikkat

Tamaani sanaartukkat nutaat imermut kuuffinnullu attavilerneqartassapput.

Immikkut aalajangersaaffigisat

Isumannaallisaavik S3.

321-A2 Etagehuse



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Ineqarnermut tunngasut

Atorneqarnissaa

Inissiaqarfik - Akulikitsunik inissiaqarfik. Nunaqarfiup ilaa tamanna massakut akulikitsunik inissiaqarfissiaavoq kiisalu sullissivinnut, niuertarfinnut inuussutissarsiutinillu oqitsunik toqqorsiveqartariaqanngitsunik ingerlatsivissatut immikkoortitaalluni.

Pissutsit atuuttut

Tamaaniippot amerikamiut timmisartoqarfigisimasaanni ineqarfiusimasut massakut niuertarfinngortinneqarsimasut ineqarfinngortinneqarsimasullu.

Inissaq sinneruttoq

Nunaqarfiup ilaa tamanna 8,5 ha missaannik annertussuseqarpoq hektarimullu 20-40-inik inissialorfiusinnaalluni, tassa inissiat 200 missaannik. Inissianut 60 missaannut sulii inissiaqarpoq. Tamaanissaaq inissiarsuarnut pingasunut 60 missaannik, assigiinngitsunik angissusilinnik inissiatallinnut inissiaqarpoq kiisalu illunut ataasiakkaanut pingasunut inissiaqarluni.

Sanaartorfik

Sanaartukkat tassaassapput illut ataasiakkaat, uigulukuttut aamma/imaluunniit quleriilit. Illut annerpaamik marlunnik qulereeqassapput. Tamaani inissiat saniatigut sullissiviit (paaqqinnittarfiit assigisaallu), niuertarfiit kiisalu oqitsunik inuussutissarsiorfiit toqqorsiveqartariaqanngitsut sananeqarsinnaapput. Illut qaliaat 10°-init uinganeqarnerussapput.

Nunaminertat sanaartorfiunngitsut

Sanaartukkat nutaat pinnguartarfittaqarnissaat biilinnullu uninngasarfeqarnissaat pisussaaffiliunneqartassaaq. Biilit uninngasarfiit pinnguartarfiillu qanoq amerlatiginissaat kommunalbestyrelsimit aalajangersarneqassaaq. Kommunalbestyrelsi akuersitinnagu tamaani ilioqqaaviliortoqassanngilaq. Nalinginnaasumik biilinnut uninngavissiat imaluunniit umiatsianik inissiiviassiat avataatigut biilinnik, umiatsianik assigisaannillu inissiisoqartassanngilaq.

Attavilikkat

Tamaani sanaartukkat nutaat imermut kuuffinnullu attavilerneqartassapput. Aqqusineqarnermut ileqqoreqqusat naapertorlugit aqqusinermit atassusertittoqartassaaq.

Immikkut aalajangersaaffigisat

Isumannaallisaavik Sx.3

321-A3 Enfamilie- og dobbelthuse



Killiffik

Akuerisaq

Immikkoortortaq

Illoqarfeqarfik

Sumiiffik - illoqarfik / nunaqarfik

Narsarsuaq

Siunertaq

Ineqarnermut tunngasut

Atorneqarnissaa

Ineqarfik - Illut akunnillit pukkitsut

Pissutsit atuuttut

Tamanna ilaqutariinnut illunik ataasiakkaanik affarleriinnillu ulikkaangajalersimavoq.

Inissaq sinneruttoq

Sumiiffik 1 ha missaannik annertussuseqarpoq illunut 1-2-nut sulii inissaqarluni.

Sanaartorfik

Tamaani illut ilaqutariinnut marlunnulluunniit sanaat inissineqarsinnaapput. Sumiiffik tamanna annermik illunut ilaqutariinnut ataasiakkaanut annerpaamik 1½-inik quleriilinnut naatsorsuusaavoq. Qaliaat 20° sinnerlugu uinganeqassapput.

Nunaminertat sanaartorfiunngitsut

Nutaanik illuliortut ineqarfimmuut ataatsimut ataatsimik biilnut unittarfiliornissaminnik pisussaaffilerneqartarput. Kommunalbestyrelsi akuersisimatinnagu tamaani pigisanik inissiisoqartassanngilaq. Nalinginnaasumik biilit unittarfiisa inissiivissialluunniit avataanni biilnik, umiatsianik assigisaannillu uninngatitsisoqaranilu inissiisoqartassanngilaq.

Attavilikkat

Tamaani illuliat nutaat imermut kuuffinnullu attavilerneqartassapput.

Immikkut aalajangersaaffigisat

Isumannaallisaavik Sx.3.

321-B1 Havne- og tankområde



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Inuutissarsiuteqarfiit umiarsualiveqarfillu

Atorneqarnissaa

Inuussutissarsiutinik ingerlatsivik - Umiarsualivik kiisalu tankeqarfik. Nunaqarfiup ilaa tamanna tankeqarfittut kiisalu inuussutissarsiutinik sullissivinnillu umiarsualivimmut attuumassuteqartunik ingerlatsivittut naatsorsuusaavoq.

Pissutsit atuuttut

Tamaaniipput tankeqarfiit annerit.

Inissaq sinneruttoq

Nunaqarfiup ilaa tamanna 30 ha missaannik annertussuseqarpoq sinnerussarlu 15 ha missaanniilluni.

Sanaartorfik

Tamatuma atorneqarneranik aalajangersakkanut attuumassuteqartut kisimik taamani sananeqarsinnaapput. Mittarfeqarfik akuersiseqqaarnagu illumik assigisaannilluunniit sanasoqassanngilaq.

Nunaminertat sanaartorfiunngitsut

Kommunalbestyrelsep akuersineratigut tamaani ilioraaviliortoqarsinnaavoq. Aammattaaq sunik nutaanik sanasoqartillugu nunamik nalimmassaanissaq isumannaallisaanissarlu pisussaaffiliunneqarsinnaapput. Silami atortunik assigisaannillu ilioraaviliortermut Teknikkeqarfik killiliisinnaavoq. Suut nutaat sananeqartut ungaluneqarnissaat pisussaaffiliunneqarsinnaavoq.

Attavilikkat

Tamaani sanaartukkat nutaat sumut atorneqarnerat apequtaalluni imermut kuuffinnullu atassusernissaq pisussaaffiliunneqarsinnaavoq. Aqqusineqarnermut ileqqoreqqusat naapertorlugit aqqusinermut atassuserittoqartassaaq.


Immikkut aalajangersaaffigisat

Killiligaaq S1, tankeqarfik. Tankeqarfimmiit 50 meterit iluanni sanaartortoqassanngilaq.

Avatangiisitigut mianerisassat

Tamaani suliffeqarfiit kapitali 5-imut naapertuuttut akuerisaapput.

321-B2 Værkstedsområde



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Inuutissarsiuteqarfiit umiarsualiveqarfillu

Atorneqarnissaa

Inuussutissarsiutinik ingerlatsivik - Inuussutissarsiutit assigiinngitsut. Nuna tamanna sannavinnut, tankeqarfinnut, sullissivinnut, sanaartorfinnut, tuniniaavinnut assigisaannullu atugassatut immikkoortitaavoq.

Pissutsit atuuttut

Tamaaniipput innaallagissiorfik, maqitsivik aammalu sanaluttarfik il.il.

Inissaq sinneruttoq

Nunaqarfiup ilaa tamanna 2,5 ha missaannik annertussuseqarpoq, 1,0 ha missaat sinnerussimalluni.

Sanaartorfik

Tamaani sananeqarsinnaapput sannaviit minnerusut, toqqorsiviit, tankeqarfiit, sanaluttarfiit il.il immikkut piumasaqaateqarfiunngitsut akornusersuisuunngitsullu. Sannaviit toqqorsiviillu mittarfimmuut aamma/imaluunniit akunnittarfimmuut attuumassuteqassapput.

Nunaminertat sanaartorfiunngitsut

Atortunut assigisaannullu kommunalbestyrelsi akuersiseqqaarnagu ilioraaviliortoqassanngilaq. Nutaanik sanaartortut biilnik uninngasarfiilioniissaminnik pisussaaffilerneqassapput. Silami atortunik assigisaannullu ilioraaviliornermut Teknikkeqarfik killilisinnaavoq. Suut nutaat sananeqartut ungaluneqarnissaat pisussaaffiliunneqarsinnaavoq.

Attavilikkat

Tamaani sanaartukkat nutaat sumut atorneqarnerat apequtaalluni imermut kuuffinnullu atassusernissaat pisussaaffiliunneqarsinnaavoq. Aqqusineqarnermut ileqqoreqqusat naapertorlugit aqqusinermut atassuserittoqartassaaq.

Immikkut aalajangersaaffigisat

Isumannaallisaaviit Sx2 aamma Sx3.

321-C1 Hotel og anden service



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Siunertanut ataatsimoorussanut tunngasut

Atorneqarnissaa

Ataatsimoorussanik sanaartorfissiaq - Annermik pisortat sullissiveqarfiinik

Pissutsit atuuttut

Ullumikkut tamaaniittut tassaapput akunnittarfiit, neriniartarfiit, niuertarfiit takornarialerivik kiisalu ineqarfik C1-a.

Inissaq sinneruttoq

Nuna tamanna 11 ha missaannik annertussuseqarpoq. Kommunalbestyrelsi nuna tamanna pillugu sukumiineruusunik aalajangersagaliorsinnaavoq.

Sanaartorfik

Nuna tamanna ataatsimoorussanut, soorlu akunnittarfinnut, neriniartarfinnut, niuertarfinnut allaffinnut kiisalu isumaginninnikkut kulturikkullu sullissivinnut allanullu assigisaannut annermik atugassiaavoq. Kitaata tungaa akunnittarfiup alliffissaatut immikkoortitaavoq. Siunissami timersortarfeeraliassaq meeqqeriviliassarlu aamma tamaaniittussatut eqqarsaatigineqarput. Immikkoortumi C1-a-missaaq ataasiakkaanik affarleriikkaanillu illuliortoqarsinnaavoq.

Nunaminertat sanaartorfiunngitsut

Atortunut assigisaannullu kommunalbestyrelsi akuersiseqqaarnagu ilioraaviliortoqassanngilaq. Nutaanik sanaartortut biiliniq uninngasarfiornissaminnik pisussaaffilerneqassapput. Silami atortunik assigisaannillu ilioraaviliornermut Teknikkeqarfik killiliisinnaavoq. Suut nutaat sananeqartut ungaluneqarnissaat pisussaaffiliunneqarsinnaavoq.

Attavilikkat

Tamaani sanaartukkat nutaat imermut kuuffinnullu atassuserneqassapput. Aqqusineqarnermut ileqqoreqqusat naapertorlugit aqqusinermut atassusertoqartassaaq.

Immikkut aalajangersaaffigisat

Isumannaallisaavik Sx3.

321-D1 Vandsøområdet



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Sanaartorfissaanngitsoq sunngiffimmullu tunngasut

Atorneqarnissaa

Ataatsimut atugassiaq - sukisaarsaarfissiaq. Tamaani aasarsiotarfeqarpoq, imermik maqitsiveqarluni il.il.

Pissutsit atuuttut

Nuna tamanna annerusumik sanaartorfineqarani allanngortinneqanngilaq. Taseq nunaqarfiup imeqarfiup kiisalu erngup imeqarfimmukaaffiisa ilaat tamaaniipput.

Inissaq sinneruttoq

Nuna tamanna 27 ha missaannik annertussuseqarpoq.

Sanaartorfik

Tamaani aasarsiotarfiit illuaqqallu sananeqarsinnaapput. Tamakku sananeqartinnagit kommunimut pilersaarummi sukumiisunik aalajangersaasoqartariaqarpoq. Kommunalbestyrelsip akuersineratigut mittarfimmum atasuk teknikkikkut atortorissaarutiniq sanaartortoqarsinnaavoq.

Nunaminertat sanaartorfiunngitsut

Nunap ilaa orpinnik ikkussuiffineqarsimavoq, sulilu amerlanerusunik nuussisoqarnissaa soqutigineqaraluartoq aatsaat kommunalbestyrelsip akuersineratigut tamanna pisinnaavoq. Ikkussuiffiusimasut uumasuaajaatinik assigisaannillu seqqittarneqassanngillat. Ikkussuiffiusimasut tupeffineqassanngillat, ikumatitsivineqassanatik allatullu iliorfineqassanatik. Aatsaat kommunalbestyrelsip akuersineratigut orpinnik uppititsisoqarsinnaavoq.

Attavilikkat

Aqqusinermut attaviliisoqartillugu aqquserngit pillugit ileqqoreqqusat malinneqassapput.

Nunaqarfiup ilaa tamanna imermut kuuffinnullu attavilerneqarsimannigilaq, sanaartukkalli nutaat slamtankimut attavilerneqassapput.

Immikkut aalajangersaaffigisat

Isumannaallisaavik Sx3.

321-E1 Narsarsuaq Lufthavn



Killiffik

Akuerisaq

Immikkoortortaq

Illoqarfeqarfik

Sumiiffik - illoqarfik / nunaqarfik

Narsarsuaq

Siunertaq

Attaveqaatit

Atorneqarnissaa

Tamanna 60 x 2000 m-isumik mittarfeqartussatut mittarfiullu illutaanut sulianullu taakkununga attuumassuteqartunut immikkoortitaavoq.

Pissutsit atuuttut

Tamaaniippoq Narsarsuup Mittarfia timmisartunik inissiivittalik, iluarsaassisarfittalik allanillu mittarfimmut tunngasunik suliaqarfittalik.

Inissaq sinneruttoq

Tamanna 308 ha missaannik annertussuseqarpoq.

Sanaartorfik

Tamaani nutaanik illuliortoqassappat Mittarfiit tusarniaavigineqartariaqarput.

Attavilikkat

Illuliat nutaat qanoq atorneqarnertik apeqqutaatillugu imermut kuuffinnullu attavilerneqarnissaminnik pisussaaffilerneqarsinnaapput. Aqqusinernut attavilermerit aqquserngit pillugit maleruaqqusat naapertorlugit pisassapput.

Immikkut aalajangersaaffigisat

Isumannaallisaavik S3.

Avatangiisitigut mianerisassat

Mittarfik ungalunuk inunnut savanullu isitsaaliorneqassaaq.

321-K3 Hytteområde 1



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Illuaqqanut aasarsiortarfinnullu il.il. tunngasut

Atorneqarnissaa

- Nuna tamanna illuaqqanik aasarsiortarfinnullu sanaartorfissatut immikkoortitaavoq.
- Tamatuma atorneqarneranut allanngutaanngitsumik killilimmik takornarianut illuaraliortoqarsinnaavoq, piniariartarfiliortoqarsinnaalluni allanillu illuaraliortoqarsinnaalluni, tak. imm. a.
- Tamatuma atorneqarneranut allanngutaassanngippat sanilerisanulluunniit akornutaanngippat illuaqqanut atasunik panersiiviliortoqarsinnaavoq, pujooriliortoqarsinnaalluni, naatsiiviliortoqarsinnaalluni annikinnerusunillu atortuliisoqarsinnaalluni.

Pissutsit atuuttut

2016-imi tamanna pinggortitatut allanngortitaanngitsut ippoq ataasiakkaannguanik illuaraqarluni.

Inissaq sinneruttoq

- Nuna tamanna katilluni 3 ha missaannik annertussuseqarpoq.
- Tamaani tamarmi sanaartornermut aalajangersakkat malinneqarsimanerat apeqqutaalluni sinnerussaq illuaraliorfiusinnaasoq angissusilerneqassaaq.

Sanaartorfik

- Illuaqqat sananeqassapput illuaqqamut qaninnermut minnerpaamik 60 meterinik ungasissusilerlugit.
- Illuaqqat annerpaamik 1½-inik quleriilerlugit sananeqassapput, tamanna ima paasineqassaaq qaliaqassasut natermikkut annerpaamik 50 m²-inik angissusilimmik.
- Illuaqqat toqqavii pukkinerpaaffimmikkut nunamiit annerpaamik 40 cm-inik nunamiit portussuseqassapput.
- Illuaqqat avatangiisiminnut takussunarsaataaqqunagit ingerlaavartumik aserfallatsaalineqassapput
- Illuaqqat qaliaat innaallu qillertunik qalluserneqassanngillat.

Nunaminertat sanaartorfiunngitsut

Sanaartukkap sumut atorneqarnera apeqqutaalluni biilit uninngasarfissaannik sananissaq pisussaaffiliunneqassaaq kiisalu nunap nalimmassarneqarnissaa pisussaaffiliunneqassalluni.

Attavilikkat

- Ujaraaqqanik qallikkanik aqquserniortoqarsinnaavoq, biilinet ingerlaarfiliortoqarsinnaalluni, pisuinnarnut aqquserniortoqarsinnaalluni imaluunniit talittarfiliortoqarsinnaalluni.
- Illuaqqanut atasunik annikinnerusunik innaallagissiorfiliortoqarsinnaavoq, imeqarnermut atortulersuisoqarsinnaalluni kiassaateqarfiliortoqarsinnaallunilu, taakku tassaasinnaapput innaallagissiutit, imermik nukissiorfiit, kiisalu seqinermik nukissiutit imaluunniit allat.
- Tamaani sanaartukkat sumut atortussaantertik naapertorlugu imermut kuuffinnullu atassusernissaat pisussaaffiliunneqarsinnaavoq.

d) Atortut c)-mi taaneqartut atorneqarnermikkut sanilerisanut nipiliornermikkut, pujuliornermikkut, tipiliornermikkut, sajutsitsineremikkut allatulluunniit ajoqutaasut sananeqassanngillat.

321-K4 Hytteområde 2



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Narsarsuaq

Siunertaq

Illuaqqanut aasarsiortarfinnullu il.il. tunngasut

Atorneqarnissaa

- Nuna tamanna illuaraliofissatut aasarsiortarfiliorfissatullu immikkoortitaavoq
- Killilimmik takornariat illuaraat, piniariartarfiit illuaqqallu allat tamaani sananeqarsinnaapput amerlassusermikkut tamatuma pingaarnerusumik atorneqarneranut allannguutaassanngikkunik, tak. litra a.
- Tamatuma pingaarnerusumik atorneqarnissaanut allannguutaanngitsumik imaluunniit sanilerisanut akornutaanngitsumik illuaqqanut atasunik panersiivilioortoqarsinnaavoq, pujooriviliortoqarsinnaalluni aammalu annikinnerusunik atortorissaarusiortoqarsinnaalluni.

Pissutsit atuuttut

2016-imi tamanna pinngortitatut allanngortitaanngitsut ippoq ataasiakkaannguanik illuaraqarluni.

Inissaq sinneruttoq

- Nuna tamanna katilluni 20 ha missaannik annertussuseqarpoq
- Tamatumani tamarmi sanaartornermut aalajangersakkat malinneqarsimanerat apeqqutaalluni illuaraliofiusinnaasut sinneruttut annertussusiat aalajangerneqassaaq.

Sanaartorfik

- Illuaqqat illuaqqamut qaninnermut minnerpaamik 60 meterinik ungasissuseqassapput.
- Illuaqqat annerpaamik 1 ½-inik quleriilerlugit sananeqassapput, tassa imaappoq atorneqartumik qaliaqarsinnaapput annerpaammik natermikkut 50m2-inik angissusilinnik.
- Illuaqqat toqqavii pukkinerpaaffimmikkut annerpaamik nunamiit 40 cm-iterinik portussuseqassapput.
- Illuaqqat avatangiisiminnut takussunarsaattaqqunagit ingerlaavartumik aserfallatsaalineqassapput.
- Illuaqqat qaliaat innaallu qillertunik qalluserneqassanngillat.

Nunaminertat sanaartorfiunngitsut

Aalajangersakkat sukumiisut naapertorlugit tamaani naatsiiviliofissamik nunaminertamik atugassanngortitsisoqarsinnaavoq.

Attavilikkat

- Ujaraalinnik aqquserniortoqarsinnaavoq, biilnut ingerlaarfiliortoqarsinnaalluni, pisuinnarnut aqquserniortoqarsinnaalluni imaluunniit talittarfiliortoqarsinnaalluni.
- Illuaqqanut atasunik annikinnerusunik innaallagissiofiliortoqarsinnaavoq, imeqarnermut atortulersuisoqarsinnaalluni kiassaateqarfiliortoqarsinnaallunilu, taakku tassaasinnaapput innaallagissiutit, imermik nukissiofii, kiisalu seqinermik nukissiutit illuunniit allat.
- Tamaani illuliat sumut atorneqarneri apeqqutaalluni imermut kuuffinnullu atassusiissamik pisussaaffiliisoqarsinnaavoq.
- atortorissarutit c)-miittut atorneqarlutik sanilerisanut nipiliornermikkut, pujuliornermikkut, tipiliornermikkut, sajuppilutsitsinermikkut

allatigulluuniit akornutaasut sananeqassanngillat.